

Morning Dogri (NSD) National News Bulletin 11-10-2024

आकाशवाणी

खबरां नरेश शर्मा कोला ।

1. प्रधानमंत्री नरेन्द्र मोदी होरें अज्ज लाओस पीपुल्स डेमोक्रेटिक रिपब्लिक दी राजधानी वियनतियाते च 19में पूर्वी एशिया शिखर सम्मेलन च शामिल होंगन ।
2. नाबार्ड सर्वेक्षण च आखेआ गेआ ऐ जे ग्राएं-पिंडें दे परोआरें दी औसत मासिक आमदन च 2016-17 ब'रे दे मकाबले च 2021-22 आले ब'रे 57 फीसदी कोला मता बाद्धा होआ ऐ ।
3. दिल्ली पुलस दे विशेष सीगे नै पच्छिम दिल्ली च 2 सौ किलोग्राम नशीले पदार्थ कोकिन जब्त कीता ऐ, एह्दी कीमत 2 ज्हार करोड़ रपे ऐ ।
4. भारत ते आसियान नै विवादें दा अमल-शांति कन्नै नबेड़ा करने गी बढ़ावा देने लेई समुंद्री सुरक्षा गी बनाई रखने दे महत्वै पर परतियै जोर दित्ता ऐ ।
5. अज्ज पवित्र दुर्गा पूजा दा पर्व मनाया जा करदा ऐ । राष्ट्रपति द्रौपदी मुर्मू होरें इस मौके पर देश-विदेश दे लोकें गी शुभकामना दित्तियां न ।

<><><><><><>

PM Modi

प्रधानमंत्री नरेन्द्र मोदी होर अज्ज वियनतियाते लाओस पीडीआर च 19में पूर्वी एशिया शिखर सम्मेलन च शामिल होंगन । पूर्वी एशिया शिखर सम्मेलन अगुआ लीडरें दी अगुवाई आला मंच ऐ जेह्छा इलाके च सामरिक भरोसे दा वातावरण तैआर करने च योगदान दिंदा ऐ । एह् सम्मेलन भारत सनें एह्दे च हिस्सा लै करदे देशें दे लीडरें गी इलाकाई महत्व दे मसलें पर विचारें दा बादान-प्रदान करने दा मौका उपलब्ध करांदा ऐ । प्रधानमंत्री मोदी होर लाओस पीडीआर दे राष्ट्रपति हुंदे कन्नै मुलाकात करगंन । श्री मोदी होर कल वियनतियाने च 21में आसियान भारत शिखर सम्मेलन च शामिल होए हे, उनें इस दरान सम्मेलन च भाषण बी दित्ता हा । लाओस पीडीआर ने आसियान दे मजूदा अध्यक्ष हाने दे नाते सम्मेलन दी मेजवानी कीती ही ।

<><><><><><>

NABARD

ग्रामीण परोआरें दी औसत मासिक आमदन च बरे 2016–17 दे मकाबले च 2021–22 च 57 फीसद दा बाद्धा कीता ऐ। राश्ट्रीय कृषि ते ग्रामीण विकास बैंक नाबार्ड दे अखिल भारतीय सर्वेक्षण मूजब ग्रामीण परोआर दी मासिक आमदनी 2016–17 दे 8 ज्हार थमां बधियै 2021–22 च 12 ज्हार होई गई ऐ। इस दरान इनें परोआरें दे औसत मासिक खर्चे च बी बाद्धा होआ ऐ। एह 6 ज्हार 6 सौ रपे थमां बधियै 11 ज्हार 2 सौ रपे होई गोआ ऐ। सर्वे मूतब बचत च बी बाद्धा होआ ऐ ते एह 9 ज्हार इक सौ रपे थमां बधियै 13 ज्हार 2 सौ रपे होई गई ऐ।

<><><><><><>

Drugs

दिल्ली पुलस दे विशेष सीगे आस्सेआ 2 सौ किलोग्राम नशीला पदार्थ कोकेन बरामद कीता ऐ, जेहदी अंतराश्ट्रीय बजार च कीमत 2 ज्हार करोड़ रपे दे कोल काल ऐ। दिल्ली पुलस दे स्पेशल अफसर नै दस्सेआ जे एह कोकेन पच्छम दिल्ली दे रमेश नगर इलाके थमां बरामद कीती ऐ। उनें आखेआ जे बरामदगी पिछले हफते जब्त कीती गोदी 5 सौ किलोग्राम कोकेन दा गै इक हिस्सा ऐ।

<><><><><><>

India-ASEAN

भारत ते आसियान मुख्खें अंतराश्ट्रीय कनून दे मानता प्राप्त सिद्धांतें दे मताबक अमन–शांति, स्थिरता, समुंद्री सुरक्षा ते विवाद दा नबेड़ा करने दे महत्वै पर जोर दित्ता ऐ। आसियान भारत रणनीतिक भ्याली गी निग्गर करने बारे दित्ते गोदे इक सांझे ब्यान च भारत ते आसियान मुख्खें दे लीडरें दक्खन चीन सागर च आचार संहिता गी असरदार ढंगै कन्नै लागू करने दा समर्थन कीता ऐ।

<><><><><><>

Defence

रक्षामंत्री राजनाथ सिंह होरें फौज दे कमांडर दी दो रोजा कांफ्रेंस च शामिल होने लेई अज्ज बडलै सिक्किम दी राजधानी गंगटोक पुज्जा करदे न। गंगटोक च लग्गा करदी फौज दे कमांडर दी पैहली कांफ्रेंस दा मकसद महत्वै आले सामरिक मसले दा नबेड़ा करना, रक्षा तैआरिएं बारे सोच बचार करना ऐ। रक्षामंत्री होर अपने दौरे दरान शिङ्क परियोजनाएं दा बी उदघाटन करगंन। राजनाथ सिंह होर उनें 22एं फौजिएं दे चेते च इक यादगारी स्मारक प्रेरणा स्थल दा बी उदघाटन करगंन जिनें अक्तूबर 2023 च ग्लेशियर झील फटने दरान अपनी जान मुआई दित्ती ही।

<><><><><><>

President

राष्ट्रपति द्रौपदी मुर्मू होरें दुर्गा पूजा दे मौके पर देश विदेश दे लोकें गी शुभकामना दित्तियां न। राष्ट्रपति होरें अपने सनेह च आखेआ ले दुर्गा पूजा बेन्याई पर न्याय ते झूठ पर सच्चाई दी जित्त ते दलेरी दा प्रतीक ऐ। एह ध्यार देवी दुर्गा दे प्रति पूरी चाल्ली समर्पण ते सब्बने धर्म च इक जुटता ते समोद गी बढ़ावा देने दा मौका ऐ। उनें मां दुर्गा कोला इक नेह समाज दी कामना कीती जित्थें महिलाएं गी आदर ते मान सम्मान थ्होए।

<><><><><><>

Doctor Kolkata

कोलकाता च आर.जी.कर मैडिकल कालेज ते अस्पताल दे जूनियर डाक्टर कन्नै दुष्कर्म ते हत्या खलाफ आमरण अनशन च हिस्सा लै'रदे डाक्टर दी हालत बिगड़ने मगरा कल रातीं अस्पताल च भर्ती कराना पेआ। भुक्ख हड़ताल पर बैठे दे 7 जूनियर डाक्टरें चा इक नै मीडिया गी दस्सेआ जे अनिकेत महाजन दी हालत कल बडलै थमां गै बिगड़न लग्गने पेई ह ते रातीं तगर बड़ी मती गंभीर होई गई, जेहूदे मगरा उसी अस्पताल दाखल करना पेआ। डाक्टरें ओहदी जांच कीती ते उसी आईसीयू च भेजी दित्ता, उत्थें ओहदा इलाज चला'रदा ऐ।

<><><><><><>

IMD

मौसम विभाग नै अगले 2 दिनें दरान तमिलनाडू, पुदुचेरी, कराइकल, अरुणाचल प्रदेश ते गुजरात च तेज बरखा दी संभावना जाह्र कीती ऐ। विभाग नै आखेआ जे दक्खन बंगाल दी खाड़ी दे मध्य हिस्से च कल इक चक्रवाती तूफान बनने दी संभावना ऐ। मौसम विभाग नै अगले 2 दिनें दरान पूर्वोत्तर, पच्छम ते दक्खन प्रायद्वीपीय भारत च हल्की िमां दरमेयानी दर्जे दी बरखा पोने दी संभावना जाह्र कीती ऐ। मौसम विभाग नै दस्सेआ ऐ जे अगले 2 दिनें दरान गुजरात, मध्यप्रदेश, उत्तर प्रदेश दे बाकी हिस्से ते महाराष्ट्र ते बिहार दे किश हिस्से च दक्खन पच्छम मानसून दी वापसी आस्तै अनुकूल परिस्थितियां बना'रदियां न।

<><><><><><>

US

अमरीका च तूफान मिल्टन नै तगाही मचाई ऐ। अजे तगर 10 लोकें दे मारे जाने दी खबर ऐ। 30 लक्ख लोक बिजली दी सुविधा दे बगैर रवा'रदे न। मिल्टन तूफान बुधवार रातीं फ्लोरिडा दे पच्छमी मध्य तट कन्नै टकराया हा। हुन एह कमजोर पेई गेआ ऐ ते स्थिति च बल्लें बल्लें सुधार होने दी मेद ऐ।

<><><><><><>

Women T-20

आईसीसी महिला टी-20 विश्व कप च वेस्टइंडीज नै बंगलादेश गी 8एं विकटें कन्नै हराई दित्ता ऐ। इस जित्त कन्नै वेस्टइंडीज सैमीफाइनल च थाह्र बनाने दे करीब पुज्जी गेआ ऐ। संयुक्त अरब अमिरात दे शारजाह क्रिकेट स्टेडियम च पैहले बज्जेबाजी करदे होई बंगलादेश दी टीम 8 विकटें दे नुक्सान पर 103 रंज बनाई सकी। कप्तान निगार सुल्ताना नै 44 गेंदे पर 39 रंज बनाए। अज्ज दुबई छे अंतर्राष्ट्रीय क्रिकेट स्टेडियम च ग्रुप-ए मैच च आस्ट्रेलिया टीम दा मकाबला पाकिस्तान कन्नै होग।

<><><><><><>

SBM Akhnoor

भारत सरकार दे "स्वच्छ भारत मिशन" तालमेल बनाइयै भारतीय फौज नै ज्योड़ियां च इक बड़्के जागरूकता अभियानद । आयोजन कीता तां जे मकामी लोकें गी साफ सफाई, स्वच्छता ते स्थाई कचरे दे प्रबंधत दे महत्व बारे जागरूक कीता जाई सकै । भारतीय फौज आस्सेआ आयोजित कीते गेदे इस कार्यक्रम च मकामी लोकें बधी-चढ़ियै हिस्सा लैता ।

<><><><><><>

Swachhta Hi Seva

स्कारी डिग्री कालेज मड़ दे विद्यार्थिं ते उत्थूं दे अमले नै "स्वभाव स्वच्छता संस्कार स्वच्छता" विशे दे तैहत कालेज दे प्रिंसिपल प्रोफेसर डॉ. राकेश कुमार कौल हुंदे मार्गदर्शन हेठ मत्मा गांधी हुंदी जयंति पर 15 दिनें दा स्वच्छता दी सेवा कार्यक्रम दा आयोजन कीता । 15 दिनें दे इस कार्यक्रम दी शुरुआत जागरूकता रैली दे तोरा पर शुरु होई जेहड़ी जीडीसी मड़ थमां शुरु होई ते दत्तेयाल पुज्जी जित्थें एनएसएस दे सवयंसेवी समूह दे विद्यार्थिं ते कालेज दे अमले नै हिस्सा लैता । स्वच्छता अभियान दे चलदे विद्यार्थिं अध्यापकें दे कालेज दे प्रिंसिपल होरें सगंध बी लैती । इस अभियान तैहत गलिं, नैहरें, मैदानें ते कालेज दे आले दुआले दी साफ सफाई कीती गई ।

<><><><><><>

Voting Turnout

जम्मू कश्मीर विधानसभा चुनां दे त्रीए गेड़ च महिला मतदाताएं इक बारी फही पुरुश मतदाताएं गी पिच्छे छोड़ी दित्ता ऐं । मंगलवारें पैहली अक्तूबर गी त्रिए गेड़ तैहत होए दे मतदान च नतर अशारिया 6-9 फीसद मतदान दर्ज कीता गेआ । चुनां आयोग आस्सेआ जारी आंकड़े मताबक जम्मू कश्मीर विधानसभा दे त्रीए गेड़ च 70.2 प्रतिशत महिला मतदाताएं अपने वोट पाए ते नतर अशारिया 3-7 प्रतिशत पुरुष मतदाताए वोट पाने दे अपने अधिकार दा इस्तेमाल कीता । त्रीए गेड़ च सब्बने थमां मता मतदान मड़ विधानसभा

गें नेई पुट्टनी लोडचदी। इस सरबंघै च मीडिया दी रिपोर्ट उप्पर सख्त नुक्ताचीनी करदे होई जेकेपीसीसी नै इस चाल्ली दी कारवाई गी गैर लोकतांत्रिक करार दित्ता ऐ। जेकेपीसीसी नै वरिष्ठ उप-अध्यक्ष ते मुख्ख प्रवक्ता रविन्दर शर्मा होरें आखेआ ऐ जे विधानसभाप च 5एं भिंबरें गी नामांकित करने दा अधिकार उस पार्टी गी होना लोडचदा जेह्डी नमीं सरकार बनियै सामने आवै।